



百
花
詩

曾源昌撰



百花詩序

百花詩。曾源昌撰。源昌字幼泉。廈曾垵人。清康熙六十年。歲貢生。官訓導。原刻有釋超全、林鹿、原估等序。廈志源昌曾遊臺。有澎湖草一卷。臺灣雜詩三十首。逢齋詩集八卷。余藏此卷。漫漶十過七八。序言亦缺。僅存何連城跋。廈島明季楊能玄詠花鳥佳人詩。各以百計。康熙時釋超全追和百花詩。繼之者。不僅源昌一人。今均無存。源昌詩既刻。復歸湮沒。殊可惜。爰據先叔父石溪公鈔本。足百什。而字仍多訛缺。不勝悵悵也。又此卷下舊附逢齋美人百詠。亦五言律。殘闕同百花詩。惜無他本可補訂。前歲曾采數什入紫燕金魚室筆記。餘祇付諸故紙叢殘中。供蠹魚飽口腹耳。噫。己巳八月思明李禧。

百花詩目錄

序.....一

梅.....一

紅梅.....一

蠟梅.....一

桃.....一

絳桃.....一

碧桃.....一

夾竹桃.....一

櫻桃花.....二

李花.....三

梨花.....三

杏花.....四

來禽花.....四

海棠.....四

垂絲海棠.....四

西府海棠.....五

桂.....五

丹桂.....五

紅山茶.....五

白山茶.....六

紫薇·····	六
紫荊·····	六
紅榴花·····	七
白榴花·····	七
木筆·····	七
合歡花·····	七
含笑·····	八
繡球花·····	八
拒霜花·····	八
佛桑·····	八
木槿·····	九

山丹

九

唐棣

九

班支

一

刺桐花

一

橘花

一

百日紅

一

牡丹

一

芍藥

一

蘭

一

蕙

一

珍珠蘭

一

玉蘭

一一

樹蘭

一二

玉蕊

一三

瑞香

一三

茉莉

一三

百葉木麗

一三

素馨

一四

水仙

一四

秋海棠

一四

薔薇

一四

酴醾

一五

玫瑰.....一五

長春.....一五

紅蓮.....一六

白蓮.....一六

錦邊蓮.....一六

黃菊.....一六

白菊.....一七

紅菊.....一七

簪菊.....一七

杜鵑花.....一七

指甲花.....一八

玉簪花.....一八

葵花.....一八

黃葵.....一九

蜀葵.....一九

錦葵.....一九

噴雪.....一九

紫籐花.....一〇

金銀花.....一〇

鶯粟.....一〇

牽牛.....一〇

金櫻花.....一一

虞美人花

一一

紅蕉

一一

美人蕉

一一

蓼花

一一

鹿葱

一一

臘脂花

一一

草決明

一一

鷄冠

一一

金鳳

一一

金錢花

一一

月下香

一四

翦春羅·····二四

錦竹·····二四

金燈花·····二五

紫燕·····二五

穀白·····二五

穀丹·····二五

曇花·····二六

金絲蝴蝶·····二六

端午菊·····二六

挂蘭·····二六

紫蘭·····二七

百花詩 目錄

一〇

千日紅.....二七

楝花.....二七

千里馬褂.....二八

柳串金魚.....二八

跂.....一

百花詩

鷺水曾源昌幼泉稿

梅

香飄隨遠近。枝放任高低。鶴影翻初下。蝶魂來欲迷。趙郎邀美女。林叟聘嬌妻。玉笛
休吹落。金尊正可攜。

紅梅

謾作冰魂想。花開色更奇。疎枝凝絳雪。瘦蕊染紅脂。官閣聯吟少。羅浮入夢疑。香飄
多撲鼻。恰值雨晴時。

蠟梅

幾曾開磬口。偏喜蘊檀心。柔瓣輕粧蠟。新口細翦金。麝臍聞臭冷。宮額染黃深。寄語

灞橋客雪中何處尋。

桃

灼灼枝頭豔。成蹊踏翠苔。春風增媚眼。朝旭暖芳顙。漁父迷津去。玄都滿觀開。會看桃浪湧。身傍錦雲堆。

絳桃

春深開正爛。綴蕊自繽紛。樹底銜晴日。枝間散薄雲。千重飄絳袖。百幅摺朱裙。紅杏疑同晷。閒評合讓君。

碧桃

綃痕堪比潔。粉靨倚牆東。好伴梨雲白。休矜杏蕊紅。澹烟凝不散。皓月照疑空。若得逢漁父。尋源有路通。

夾竹桃

竹與桃奇合。開時滿樹嬌。頻呈花灼灼。仍愛葉蕭蕭。懈谷霞長繞。武陵風亂搖。貪看妖媚態。寄興一何遙。

櫻桃花

園種櫻桃遍。垂枝拂短檐。香飄風泛泛。粉墮雪纖纖。蕊趁遊蜂亂。實防飛鳥銜。佳人下堦折。簪髻入粧奩。

李花

仙李栽長陌。繽紛白滿條。冰紈憐細綴。珠佩愛輕搖。頻見籠煙碧。更從帶雨嬌。新蹊成樹下。冷豔襯桃夭。

梨花

梨雲浮素豔。最喜夢深更。帶雨瓊姿濕。因風雪浪晴。洗粧攜酒去。壓帽插花行。恍入梅林裏。高標格韻清。

杏花

三春文杏發。上苑日華臨。朱纈鋪初就。丹砂染正深。烟村方賣酒。藥圃已成林。十里歸鞭急。紅粧動客心。

來禽花

爭向三春發。千株陌上開。最欣珠蕊盛。長引野禽來。吳紵疑初翦。齊紈恍乍裁。團團多結實。綠李好同猜。

梅棠

不作無香恨。偏憐曉日侵。殘霞粧鐵榦。薄粉點檀心。妃子睡初足。杜陵詩未吟。歡爲青帝伴。梅聘謾相尋。

垂絲海棠

東坡有垂絲海棠

絲長垂裊裊。花密吐紛紛。細萼霑春雨。新條布綺雲。含嬌看欲語。薄醉帶微醺。坡老

詩酬唱。評來獨出羣。

西府海棠

高低敷彩萼。倚檻影交橫。海國曾移種。川江獨擅名。凝脂紅正耀。帶酒暈初生。銀燭休相照。長教睡五更。

桂十二客圖桂爲仙客

華曾標四出。最愛滿園栽。種向蟾宮乞。蕊看金粟開。一枝隨手折。兩袖惹香來。秋夜迎仙客。攜尊傍月臺。

丹桂

桂華秋正爛。絳色襯新叢。蕊盛開金闕。枝榮礙月宮。朱殷呈檻外。芳馥透簾中。好展才郎手。高攀興不容。

紅山茶